

L'ESSOR

faso kumakan

sòròw ani musakaw

Mali sòròkow n'a musakakow dantigèli tònsigi min tun dayèlèla alamisa desanburu kalo tile 2, san 1982 peresidan Musa TARAWELE fè, o tònsigi banna ntènèn, desanburu kalo tile 6 san 1982.

A dayèlè don n'a kuncè don, peresidan Musa TARAWELE kumara jamana nyémögòw ye, minnu nyèsinnen bè Minisirisòw ani baara daw, i n'a fò sèriwisiw kuntigiya ma, n'olu ka waleyaw bè se ka jamana kundonni girinya wali k'a fègènya.

A y'a jira ko jamana musaka mana caya n'a sòrò ye, ko fosi tè se ka kè a tuma la, a n'a yòrò la, n'a ma kè ni kòkan dèmè ye. O la sa, fèerè minnu ka kan kà tigè malidenw yèrèw fè fòlò walasa sòròw ka yiriwa, a da sera olu ma, k'a fò ko "yèrèlabila" ka dabila, tinyèli ka dabila ani damatèmè walew, minnu se tè jamana wariso ye.

Peresidan Musa TARAWELE tilalenkò nin ladiliw la, a y'a jira ko bèn kèra sèbènw kan, minnu bèna lase Mali depiteso la, walasa u ka depitew ka yamaruya sòrò sanni san kura ka daminè.

A ko n'o baaraw banna tuma min na, a b'a nyini foroba baarakèlaw n'u nyémögòw fè, k'a ta Minisiri la fo k'a se pilantòn ma, bée ka Mali kunkow n'a haminankow k'i kunkòròkow ye, walasa kow ka latèmè a cogo la, an ka se ka bò nògò la, ka hèrè ani lafiya sòrò an faso dugukolo kan.



Lagine ni Mali ka kelenya

Laginekaw ka cidew nyémögò tun ye Damantan KAMARA ye. Mali mògòw ta tun ye Jibirili JALO ye. Olu fila bée ye kuma ta k'a jira ko Lagine ani Mali mana hèn, bée k'a mèn, k'a ye, k'c bée kè sababu ye ka Afiriki kelenya sankòròta.


Kabini tuma jan, Japine nyémögòw ani Mali nyémögòw bée nyòrènkunbèn na,

jamana fila ka kelenya siratigè la, wale caman kan, minnu bèna kè sababu ye ka dò fara signyögònya, teriya, bèn ani kanubagaya kan jamana denw ni nyògòn cè.


A nyògònkunbèn baara dòw kèra Konakiri, dòw kèra Bamakò. Min kèra dògòkun tèmènen Bamakò, o ye cidew ka nyògònkunbèn kuncèlen ye ni laa-

diriyà kumaw ye minnu bèna lajè Lagine peresidan Seku TURE ani Mali peresidan Musa TARAWELE fè.

Bènkan minnu bòra a nyògònkunbèn kònò, cidew ka fò la, o y'u nisondiya, k'u wasa, bawo, a jirala baaraw bannen kò, ko bolonòw bilala sènbènw na jamana fila kònò mògòw ka hèrè, lafiya, sòrò ani kelenya de kònò.



Mali fiyentòw ka kan ni dèmè ye



Kabini mali fiyentòw ka tònba "AMPSA" sigira sen kan san 1972 kònò, san o san, dògòkun kelen bée sugandi a nyémögòw fè k'o kè hakilijakabò waa-ti ye mali fiyentòw dè-mèli sira kan.

Nyinan san 1982 ta daminè na sibiri, desanburu kalo tile 4 ni kènèya ani hadamadenya walew minisiri, Ngolo TARAWELE ani Sumayila KONATE, mali fiyentòw ka tònba kuntigi ka kumaw ye.

Dèmè minnu kèra fiyentòw ye san tan in kònò, olu bée nyèfòra jama ye, ka tila k'a jira ko fiyentòw bée ka labèn cogo-ya la min bèna a to garibuya bée se ka dabila

cogo min na, kalan ani bololabaara degeli sira kan fiyentòw fè, mali fan bée kònò.

I n'a fò an y'a jira cogo min na ka tèmè, mali fiyentòw ka kan ni dèmè ye, bawo se wèrè t'u ye hinè kò. U ka tònba nyémögòw bée ka baara nafama minnu kanu a denmisèn w n'a mògòkòròbaw ye an ka jamana yòrò bée la, o baara nafamaw fana tè sira sòrò nyètigìw ka dèmè kò.

O la sa, fèn minnu bée ka kè kalanjè ani baara kalan siratigè la fiyentòw fè, an k'an jija k'è lu dòn, k'olu ye walasa u dèmèni dusu bée dòn an kònò ka t'a fè.

tibili dibi nafa bè hadamaden ani kungo kan

A bè waati bò tobili dibi bè ka jènsen mali kònò ani Afiriki sahelianfan jamana caman, k'o sababu bò a nafa la min bè ka don dòonin dòonin yorò kofolen ninnu jamanadenw fè.

O tuma an k'a lajè nafa minnu bè tobili dibi la. Nafa fòlò sirilen don dògòko la. A san 10 filè nin ye Afiriki jamana minnu bè sahelianfan na, olu degunnen don kosèbè ja fè. Sanji dògòyara, ale min bè hadamadenw, ba ganw ni dugukolo n'a kanfènw lahinè. Duguw lamini jiriw bée banna. Gadonmusow wajibiyalen don ka kilomètèrè 5 nyogòn taama tobili dògò nyininini na don o don. Sègènnabbò tè masorò u fè bawo suròfana tobi ye wajibi ye u bolo. Dumuni mana kè dugutila, dali bè cè n'a muso ye






nka sunogò t'u ye bawo foro baara b'u kònò.

An bée nyè b'a la k'a fò ni fèerè ma nyini nin ko in na, a tiynèli barika bëna bonya. Fèn min bëna ni sòrò dògòya ye hadamaden bolo o tè hèrè ye. A mèen o

mèen o laban ye kòli ye. Ala m'an kisir'o ma.

N'i y'a mèn ko jònnin kunnandi a fò ko sababu nyuman. An ka kunadiya sababu bòra jònw na? A bòra dònnikèla sèbèw la minnu b'u da ka wuli ni hadamaden ka dinèlatigè nògòya ye



u kònò. Olu de ye fècrè nyènè kura siri an balima musow lafiyali kama. U ye gakuru kura sòrò tobili kama n'o ye dibi ye, dògò bérè tè don min jukòrò wa a tobili nò ka nyi ni gakuru saba ta ye. O tèmènen kò a bè waatiba di gadonruso ma a ka se ka baara nafama caman kè a yèrè n'a cè n'a denw ye.

Nafa filanan siri- len don jiriko la.

An ka kàn k'a don ko sanji bè jiri de nofè. Jiri tè yorò min, o yorò jiko ka gèlèn. Hadamaden ka dinyè ko bée sirilen don ji la, k'a daminè minniyi la fò ka t'a se tobilikèji ni sènèkèji ni koliji ma

An bè jiri minnu tigè, an ka kan ka jirisun kuraw turu olu nòna, k'u ladon fò k'u kubaya. A ka c'a la o bè se ka kè sababu ye ka nògòyaba don ja kèlèli la an bolo Nyogònye caman kèra k'a ban tobili dibi nafaw kan hali an file yorò min na, saheli jamanaw ka tònbà min ka baara nyèsinnen don ja kèlèli ma, o ka lajèba dò kuncéna Bamakò, min nyémogòya tun bë Mali jamana kungo kò nò nafaw yiriwali miñisiri Madi JAJO bolo. Lajè in tun bë tobili dibi ni jiri turu nafaw kan.

"ITEMA" taamabolo sèbènw lakurayara

Sibiri don, nowanburu kalo tile 20, Mini siri Banjugu Bija Dukure ye Mali bagi dilan yorò "ITEMA" tònsigi balalen dayèlè, tònsigi min kun ye "ITEMA" taamabolo sèbènw lakurayali ye farajèw taalen kò fè ani Mali nafolotigìw sen donnen kò a baara cogo n'a yiriwali la.

"ITEMA" sigira sen kan san 1969 k'a jago-kun nafolo kasabi to Mali warì miliyòn 625 la. Taamabolo kura in hukumu kònò, a nafolo kasabi taura fo mali warì miliyari saba la,

minnu tilaien bë Mali gofèrenama ani Mali nafolotigìw ni nyogòn cè n'olu tògòw file nin ye: Jèkulù min tògò dalen bë Bacili n'a balimaw la; Bacili ani Gòlifasi; Baba Si; Amari Dawu; Baba Gindo; Amèdi Nyangi ani Alu Yatasayi.

A jirala ko jagokèla minnu tògò file nin ye, olu ni mali gofèrenama ka jè "ITEMA" baa-ra n'a yiriwali n'a nyètaa sira kan, bèn kéra o kan k'o bila san 99 na, min bë daminè a sènèbènw lakurayala don.

